

	ҚАЗАҚСТАН РЕСПУБЛИКАСЫ МӘДЕНИЕТ ЖӘНЕ АҚПАРАТ МИНИСТРЛІГІ ТЕМІРБЕК ЖҮРГЕНОВ АТЫНДАҒЫ ҚАЗАҚ ҰЛТТЫҚ ӨНЕР АКАДЕМИЯСЫ	Пр 017-11.04-2025
		30.05.2025 ж.
	<u>Ереже</u> Нормативтік құжат түрі	Бет 1 - 11

**2025-2026 оқу жылына арналған бакалавриаттың білім беру
бағдарламалары бойынша «Темірбек Жүргенов атындағы Қазақ ұлттық
өнер академиясы» РММ-не оқуға қабылдау ережелері**

Алматы
2025ж.

	ҚАЗАҚСТАН РЕСПУБЛИКАСЫ МӘДЕНИЕТ ЖӘНЕ АҚПАРАТ МИНИСТРЛІГІ ТЕМІРБЕК ЖҮРГЕНОВ АТЫНДАҒЫ ҚАЗАҚ ҰЛТТЫҚ ӨНЕР АКАДЕМИЯСЫ	Пр 017-11.04-2025
		30.05.2025 ж.
	<u>Ереже</u> Нормативтік құжат түрі	Бет 2 - 11



1. Жалпы ереже

1. Темірбек Жүргенов атындағы Қазақ ұлттық өнер академиясына (бұдан әрі - Академия) оқуға қабылдау ережесі (бұдан әрі - Ереже) «Білім туралы» 2007 жылғы 27 шілдедегі Қазақстан Республикасы Заңына, «Жоғары және жоғары оқу орнынан кейінгі білімнің білім беру бағдарламаларын іске асыратын білім беру ұйымдарына оқуға қабылдаудың үлгілік қағидаларын бекіту туралы» Қазақстан Республикасы Білім және ғылым министрінің 2018 жылғы 31 қазандағы № 600 бұйрығына, «Жоғары білімнің білім беру бағдарламаларын іске асыратын білім беру ұйымдарына оқуға түсу кезінде қабылдау квотасының мөлшерін бекіту туралы» Қазақстан Республикасы Ғылым және жоғары білім министрінің 2023 жылғы 26 шілдедегі № 357 бұйрығына, Ұлттық бірыңғай тестілеуді өткізу және «Ұлттық бірыңғай тестілеу тапсырғаны туралы сертификат беру» мемлекеттік көрсетілетін қызмет қағидаларын бекіту туралы Қазақстан Республикасы Білім және ғылым министрінің 2017 жылғы 2 мамырдағы № 204 бұйрығына, ««Бакалавр» немесе «магистр» дәрежелері берілетін жоғары немесе жоғары оқу орнынан кейінгі білім алуға ақы төлеу үшін білім беру грантын беру қағидаларын бекіту туралы» Қазақстан Республикасы Ғылым және жоғары білім министрінің м.а. 2023 жылғы 25 тамыздағы № 443 бұйрығына сәйкес әзірленді.

2. Темірбек Жүргенов атындағы Қазақ ұлттық өнер академиясына (бұдан әрі - Академия) оқуға қабылдау мамандарды даярлауда Қазақстан Республикасы Мәдениет және ақпарат министрлігі бекіткен қаражат есебінен мемлекеттік білім беру тапсырысы, сондай-ақ азаматтардың өз қаражаты және өзге де көздер есебінен оқуға ақы төлеу арқылы жүзеге асырылады.

3. Қазақстан Республикасы Үкіметінің 2017 жылғы 14 ақпандағы № 66 қаулысымен бекітілген Жоғары оқу орындарының ерекше мәртебесі туралы Ереженің 2 тарауына (5 тармақ, 6 тармақшасы) сәйкес Темірбек Жүргенов атындағы Қазақ ұлттық өнер академиясына қабылдау тәртібі дербес анықталады.

4. Академияға қабылдау рәсімі ашықтық пен ашықтық қағидаттарына негізделеді. Академия барлық өтініштерді бейтарап, әділ және барлық келушілер үшін мүмкіндігінше ыңғайлы етіп қарауға тырысады.

	ҚАЗАҚСТАН РЕСПУБЛИКАСЫ МӘДЕНИЕТ ЖӘНЕ АҚПАРАТ МИНИСТРЛІГІ ТЕМІРБЕК ЖҮРГЕНОВ АТЫНДАҒЫ ҚАЗАҚ ҰЛТТЫҚ ӨНЕР АКАДЕМИЯСЫ	Пр 017-11.04-2025
		30.05.2025 ж.
	<u>Ереже</u> Нормативтік құжат түрі	Бет 3 - 11

5. Осы ереже 2025-2026 оқу жылына бакалавриат талапкерлерін қабылдау рәсімін дайындау және іске асыру кезінде сақталуы міндетті.

2. Академияға қабылдау тәртібі

6. Академияға оқуға қабылдауды қабылдау комиссиясы жүзеге асырады, ол ректордың бұйрығымен құрылады. Қабылдау комиссиясының құрамына Академия ректоры, проректорлар, құрылымдық бөлімшелердің басшылары және Академияның профессорлық-оқытушылық құрамының өкілдері кіреді. Қабылдау комиссиясының сандық құрамы мүшелердің тақ санынан тұрады. Қабылдау комиссиясының төрағасы Академия ректоры болып табылады. Қабылдау комиссиясының жұмысын басшылыққа ала отырып, оның жұмысын ұйымдастырып, бақылап және іс қағаздарын жүргізу үшін академия ректорының немесе оның міндетін атқарушы адамның бұйрығымен қабылдау комиссиясының жауапты хатшысы тағайындалады.

7. Қысқартылған оқу мерзімдерін көздейтін жоғары білім кадрларын даярлаудың ұқсас бағыттары бойынша түсушілерді қоспағанда, республикалық бюджет қаражаты есебінен жоғары білімнің мемлекеттік білім беру тапсырысын беруге және (немесе) ақылы оқуға қабылдауға арналған конкурсқа қатысу үшін орта, техникалық және кәсіптік немесе орта білімнен кейінгі білімі бар адамдар жіберіледі. Конкурсқа қатысу үшін ҰБТ және шығармашылық емтихандардың нәтижелері бойынша кемінде 65 балл, оның ішінде Қазақстан тарихынан – 5 балл, оқу сауаттылығынан - 3 балл, шығармашылық емтихандар бойынша кемінде 5 балдан жинау қажет.

8. Қазақстан Республикасының азаматы мемлекеттік білім беру тапсырысына сәйкес конкурстық негізде тегін техникалық және кәсіптік, орта білімнен кейінгі, жоғары және жоғары оқу орнынан кейінгі білім алуы қамтамасыз етіледі, егер деңгейлердің әрқайсысында бірінші рет білім алатын болса.

9. Техникалық және кәсіптік, орта білімнен кейінгі немесе жоғары білімі бар Қазақстан Республикасының азаматтары ақылы негізде оқудың қысқартылған мерзімдерін көздейтін жоғары білімнің білім беру бағдарламалары бойынша оқуға қабылданады.

10. ҰБТ өткен жылдардағы жалпы орта білім беру ұйымдарының түлектеріне, бастауыш және орта кәсіптік оқу орындарының түлектеріне (техникалық және кәсіптік, орта білімнен кейінгі), жалпы білім беретін мектептердің түлектеріне, республикалық музыкалық мектеп-интернаттардың түлектеріне, сондай-ақ шетелдегі оқу орындарын бітірген азаматтарға өткізіледі.

11. Оқуға түсушілер ҰБТ-ны өз қалауы бойынша қазақ немесе орыс тілдерінде тапсырады.

	ҚАЗАҚСТАН РЕСПУБЛИКАСЫ МӘДЕНИЕТ ЖӘНЕ АҚПАРАТ МИНИСТРЛІГІ ТЕМІРБЕК ЖҮРГЕНОВ АТЫНДАҒЫ ҚАЗАҚ ҰЛТТЫҚ ӨНЕР АКАДЕМИЯСЫ	Пр 017-11.04-2025
		30.05.2025 ж.
	<u>Ереже</u> Нормативтік құжат түрі	Бет 4 - 11

12. Академияға оқуға түсу кезінде «Жоғары білімнің білім беру бағдарламаларын іске асыратын білім беру ұйымдарына оқуға түсу кезінде қабылдау квотасының мөлшерін бекіту туралы» Қазақстан Республикасы Ғылым және жоғары білім министрінің 2023 жылғы 26 шілдедегі № 357 бұйрығында бекітілетін мөлшерде қабылдау квотасы көзделеді.

13. Академияға түсетін адамдарды қабылдау арнайы екі шығармашылық емтихан нәтижелеріне, сондай-ақ, белгіленген үлгідегі сертификаттың және (немесе) Ұлттық тестілеу орталығының РМҚК сайтында тестілеудің екі пәні: оқу сауаттылығы (оқыту тілі) және қазақстан тарихынан берілген мемлекеттік сертификаттың түпнұсқалығын растайтын QR-коды бар, Ұлттық бірыңғай тестілеу (ҰБТ) сертификатына сәйкес өтініштер бойынша конкурстық негізде жүзеге асырылады.

14. Академияға мемлекеттік тапсырыс бойынша оқуға түсу конкурсы білім беру бағдарламаларының топтары бойынша өтеді.

3. Шығармашылық емтихандарды қабылдау және өткізу тәртібі

15. Академияға түскісі келетін адамдар өтініштер мен құжаттарды тек Академияның қабылдау комиссиясына тапсыруы керек.

16. Талапкерлердің консультациялар кестесіне сәйкес емтихандар басталғанға дейін білім беру бағдарламалары бойынша мамандардан тегін кеңес алуға құқығы бар.

17. 2025 жылы 20 маусымнан 06 шілдеге дейін шығармашылық емтихандарды тапсыру үшін өтініштер қабылданады.

18. Шығармашылық емтихандар 2025 жылдың 7-15 шілде аралығында өткізіледі.

19. Оқуға түсуші тек бір шығармашылық білім беру бағдарламасын көрсете алады.

20. Шығармашылық дайындықты талап ететін, жалпы орта, техникалық және кәсіптік немесе орта білімнен кейінгі білімі туралы құжаттары бар жоғары білімнің білім беру бағдарламаларына түсетін талапкерлер екі шығармашылық емтихан тапсырады.

Ақылы негізде қысқартылған оқу мерзімдерін көздейтін жоғары білім кадрларын даярлаудың ұқсас бағыттары бойынша шығармашылық даярлықты талап ететін жоғары білімнің білім беру бағдарламалары тобына түсетін талапкер бір шығармашылық емтихан тапсырады.

21. Шығармашылық емтихандарды өткізу үшін төрағадан және мүшелердің тақ санынан тұратын емтихан комиссия құрамы академия ректорының немесе оның міндетін атқарушы тұлғаның шешімімен құрылады.

22. Шығармашылық емтихандарды өткізу осы қабылдау қағидаларындағы шығармашылық емтихандар өткізілетін білім беру бағдарламалары

	ҚАЗАҚСТАН РЕСПУБЛИКАСЫ МӘДЕНИЕТ ЖӘНЕ АҚПАРАТ МИНИСТРЛІГІ ТЕМІРБЕК ЖҮРГЕНОВ АТЫНДАҒЫ ҚАЗАҚ ҰЛТТЫҚ ӨНЕР АКАДЕМИЯСЫ	Пр 017-11.04-2025
		30.05.2025 ж.
	Ереже Нормативтік құжат түрі	Бет 5 - 11

топтарының/білім беру бағдарламаларының/ тізбесіне сәйкес білім беру бағдарламаларының топтары/білім беру бағдарламалары бойынша жүзеге асырылады.

Шығармашылық дайындықты талап ететін жоғары білімнің білім беру бағдарламалары бойынша оқуға түсетін адамдар шығармашылық емтихандарды тапсыру үшін Академияның қабылдау комиссиясына мынадай құжаттарды ұсынады:

- 1) белгіленген үлгідегі бланкідегі өтініш (қабылдау комиссиясы береді);
- 2) жалпы орта немесе техникалық және кәсіптік, орта білімнен кейінгі білім туралы құжат (түпнұсқа);
- 3) жеке басын куәландыратын құжаттың көшірмесі (3 дана);
- 4) 3 x 4 см. фотокарталар (8 дана);
- 5) ҰБТ сертификаты (2025 жыл);
- 6) 075-У нысандағы медициналық анықтама және флюорография;
- 7) ұл балалар үшін әскери тіркеу куәлігі немесе әскери билет (көшірме - 3 дана);
- 8) 063/у нысандағы медициналық анықтама (көшірме);
- 9) Жеңілдіктерді растайтын құжаттар (көшірме).

23. Шығармашылық емтихандарды өткізу бағдарламалары академияда әзірленіп, академияның қабылдау комиссиясының төрағасы бекітеді.

24. Шығармашылық емтихандардың кестесін (емтихан өткізу нысаны, өткізілетін күні, уақыты мен орны, консультациялар) қабылдау комиссиясының төрағасы бекітеді және құжаттарды қабылдау басталғанға дейін түсушілердің назарына жеткізіледі.

25. Оқуға түсуші арнаулы және (немесе) шығармашылық емтихан өткізілетін аудиторияға (орынға) жеке басын куәландыратын құжатты көрсеткенде жіберіледі.

Бұл ретте арнаулы және (немесе) шығармашылық емтихандар бейне және (немесе) аудио жазбамен жабдықталған аудиторияларда (орындарда) өткізіледі.

26. Шығармашылық емтихандар басталғанға дейін оқуға түсушілерге емтихан материалы беріледі және титулдық парақтарды ресімдеуге ұсынылатын тәртіп түсіндіріледі, сондай-ақ шығармашылық емтихандардың басталу және аяқталу уақыты, нәтижелерді жариялау уақыты мен орны және апелляцияға өтініш беру рәсімі көрсетіледі.

27. Жалпы орта немесе техникалық және кәсіптік, орта білімнен кейінгі құжаттары бар оқуға түсушілерге арналған шығармашылық емтихандар 50 балдық жүйе бойынша бағаланады.

Қысқартылған оқу мерзімдерін көздейтін жоғары білім кадрларын даярлаудың ұқсас бағыттары бойынша оқуға түсушілер үшін шығармашылық емтихан 20 балдық жүйе бойынша бағаланады.

	ҚАЗАҚСТАН РЕСПУБЛИКАСЫ МӘДЕНИЕТ ЖӘНЕ АҚПАРАТ МИНИСТРЛІГІ ТЕМІРБЕК ЖҮРГЕНОВ АТЫНДАҒЫ ҚАЗАҚ ҰЛТТЫҚ ӨНЕР АКАДЕМИЯСЫ	Пр 017-11.04-2025 30.05.2025 ж.
		Бет 6 - 11

Ереже
Нормативтік құжат түрі

28. Кәсіби бағдар беру мақсатында ұйымдастырылған республикалық конкурстардың жеңімпаздары конкурс ережесіне, білім беру бағдарламаларына сәйкес конкурстың нәтижесі бойынша шығармашылық емтиханнан босатылуы мүмкін.

29. Шығармашылық емтиханды өткізу қорытындылары бағалау ведомосімен, комиссия хаттамасымен еркін нысанда ресімделеді және нәтижелерді жариялау үшін қабылдау комиссиясының жауапты хатшысына (оның орынбасарына) беріледі.

Комиссия хаттамасына комиссия төрағасы және оған қатысып отырған барлық мүшелер қол қояды.

30. Шығармашылық емтихандарды қайта тапсыруға рұқсат етілмейді.

31. Арнайы және (немесе) шығармашылық емтихандардың нәтижелері емтихан өткізілетін күні жарияланады.

32. Шығармашылық емтихандардың біреуі бойынша 5 балдан кем алған немесе оған дәлелсіз себептермен келмеген талапкерлер келесі шығармашылық емтиханға, сондай-ақ оқуға қабылдау конкурсына жіберілмейді.

33. Шығармашылық емтихан нәтижелері бойынша оқуға түсушіге шығармашылық емтиханды тапсыру орнына қарамастан ақылы негізде Академияға түсу үшін бағалау ведомосінен үзінді көшірме беріледі.

34. Академия шығармашылық емтиханды аяқтаған күні республикалық бюджет қаражаты есебінен жоғары білімнің білім беру грантын беру конкурсына қатысу және (немесе) академияға ақылы оқуға қабылдау үшін оқуға түсушілердің шығармашылық емтиханының нәтижелерін Ұлттық тестілеу орталығының ақпараттық жүйесіне береді.

35. Шығармашылық емтиханды тапсыру барысында талапкерлерге ұялы телефонды және өзге де құрылғыларды пайдалануға тыйым салынады.

4. Апелляциялық комиссияның жұмыс тәртібі

36. Емтихандарды өткізу кезеңінде шығармашылық емтиханға қойылатын талаптарды сақтау, даулы мәселелерді шешу, тиісті емтихандарды тапсыратын адамдардың құқықтарын қорғау мақсатында Академия ректорының немесе оның міндетін атқарушы тұлғаның бұйрығымен төрағадан және мүшелерінің тақ санынан тұратын апелляциялық комиссия құрылады.

37. Апелляцияға шығармашылық емтихан тапсырған адам апелляциялық комиссия төрағасының атына жеке өзі өтініш береді. Шығармашылық емтихан нәтижелері жарияланғаннан кейін келесі күні сағат 13.00-ге дейін өтініш қабылданады. Апелляциялық комиссия бір күн ішінде өтінішті қарайды.

38. Апелляциялық комиссияның шешімі, егер отырысқа оның құрамының кемінде үштен екісі қатысса, заңды деп есептеледі. Арнайы немесе шығармашылық емтихан нәтижелерімен келіспеу туралы апелляция бойынша

	ҚАЗАҚСТАН РЕСПУБЛИКАСЫ МӘДЕНИЕТ ЖӘНЕ АҚПАРАТ МИНИСТРЛІГІ ТЕМІРБЕК ЖҮРГЕНОВ АТЫНДАҒЫ ҚАЗАҚ ҰЛТТЫҚ ӨНЕР АКАДЕМИЯСЫ	Пр 017-11.04-2025
		30.05.2025 ж.
	<u>Ереже</u> Нормативтік құжат түрі	Бет 7 - 11

шешім қатысып отырған Комиссия мүшелері санының көпшілік даусымен қабылданады. Апелляциялық комиссия мүшелерінің дауыстары тең болған кезде төрағаның дауысы шешуші болып табылады. Апелляциялық комиссияның жұмысы төраға және Комиссияның барлық қатысып отырған мүшелері қол қоятын хаттамамен ресімделеді.

5. Академияға оқуға қабылдау

39. Оқуға түсушілерді студенттер қатарына қабылдау ректордың немесе оның міндетін атқарушы тұлғаның бұйрығымен Академияның қабылдау комиссиясы күнтізбелік жылдың 25 тамызына дейін жүргізеді.

40. Шығармашылық дайындықты талап ететін білім беру бағдарламаларының топтары/білім беру бағдарламасы бойынша жоғары білімнің білім беру грантының иегерлері өздері шығармашылық емтихан тапсырған ЖЖОКБҰ-ға қабылданады.

41. Академияға ақылы негізде оқуға түсетін шекті балл /65 кем емес/ жинаған талапкерлердің берген өтініштеріне сәйкес қабылдау жүзеге асырылады.

42. Академияға қабылдау қысқартылған оқу мерзімдерін көздейтін жоғары білім кадрларын даярлаудың ұқсас бағыттары бойынша түсушілерді қоспағанда, шығармашылық емтихандар бойынша балдарды ескере отырып жүргізіледі.

43. Қабылдау комиссиясы құжаттар топтамасын қабылдауды, оларды тіркеуді және өтініш келіп түскен күні құжаттар топтамасын қабылдау туралы талапкердің қолхатын беруді жүзеге асырады немесе талапкер құжаттар топтамасын толық ұсынбаған жағдайда құжаттарды қабылдаудан бас тартады.

44. Қабылдау комиссиясы келесі негіздер бойынша мемлекеттік қызмет көрсетуден бас тартады:

1) талапкер мемлекеттік қызметті алу үшін ұсынған құжаттардың және (немесе) олардағы деректердің (мәліметтердің) дұрыстығы анықталмаса;

2) талапкерлерге мемлекеттік қызметті алу үшін құжаттардың толық емес пакеті ұсынылған жағдайда;

3) талапкердің құжаттары белгіленген мерзімнен кеш ұсынылған жағдайда.

45. Жеңілдіктері бар тұлғалар квотаға артықшылық құқық берілгенін растайтын қосымша құжаттарды ұсынады.

46. Техникалық және кәсіптік, орта білімнен кейінгі білімі туралы құжаттары бар, біліктілігін растаған және мамандығы бойынша кемінде бір жыл жұмыс өтілі бар адамдар қосымша мынадай құжаттардың бірін береді:

1) еңбек кітапшасының көшірмесі (түпнұсқасы салыстыру үшін ұсынылады);

	ҚАЗАҚСТАН РЕСПУБЛИКАСЫ МӘДЕНИЕТ ЖӘНЕ АҚПАРАТ МИНИСТРЛІГІ ТЕМІРБЕК ЖҮРГЕНОВ АТЫНДАҒЫ ҚАЗАҚ ҰЛТТЫҚ ӨНЕР АКАДЕМИЯСЫ	Пр 017-11.04-2025
		30.05.2025 ж.
	Ереже Нормативтік құжат түрі	Бет 8 - 11

2) жұмыс беруші қол қойған, ұйымның мөрімен расталған қызметтік тізім (қызметкердің жұмысы, еңбек қызметі туралы мәліметтер тізбесі) (ол болған кезде);

3) қызметкердің еңбек қызметі туралы мәліметтерді қамтитын мұрағаттық анықтама;

4) аударылған міндетті зейнетақы жарналары туралы Бірыңғай жинақтаушы зейнетақы қорынан үзінді көшірме және жүргізілген әлеуметтік аударымдар туралы Мемлекеттік әлеуметтік сақтандыру қорынан мәліметтер;

5) жұмыс берушінің оны тоқтату күні мен негізі туралы белгісі бар еңбек шарты;

6) еңбек шартын жасасу және тоқтату негізінде еңбек қатынастарының туындағанын және тоқтатылғанын растайтын жұмыс берушінің актілерінен үзінді көшірмелер;

7) қызметкерлерге жалақы беру ведомосінен үзінді көшірмелер.

47. Мемлекеттік қызметтер көрсету мәселелері жөніндегі қабылдау комиссиясының шешімдеріне, әрекеттеріне немесе әрекетсіздігіне шағым жасалған кезде шағым жазбаша түрде Академия ректорының атына беріледі.

Шағымды қабылдаған адамның тегі мен аты-жөні, берілген шағымға жауап алу мерзімі мен орны көрсетіле отырып, оны тіркеу (мөртабан, кіріс нөмірі мен күні) шағымның қабылданғанын растау болып табылады. Шағымда талапкердің Тегі, Аты, Әкесінің аты, пошталық мекен-жайы көрсетіледі. Өтінішке талапкер қол қоюы тиіс.

Қабылдау комиссиясының атына келіп түскен талапкерлердің мемлекеттік қызметтер көрсету мәселелері жөніндегі шағымы тіркелген күнінен бастап бес жұмыс күні ішінде қаралады.

48. Көрсетілген мемлекеттік қызметтің нәтижелерімен келіспеген жағдайда, талапкер мемлекеттік қызметтер көрсету сапасын бағалау және бақылау жөніндегі уәкілетті органға шағыммен жүгіне алады.

49. Шет тіліндегі құжаттар нотариалды куәландырылған қазақ немесе орыс тіліндегі аудармасымен ұсынылады.

Шетелдік білім беру ұйымдары берген білім туралы құжаттар 1 (бірінші) академиялық оқу кезеңі ішінде адамдарды қабылдағаннан кейін Қазақстан Республикасының заңнамасында белгіленген тәртіппен нострификациялау рәсімінен өтеді.

50. Шығармашылық емтихандар мен ұлттық бірыңғай тестілеу аяқталғаннан кейін қабылдау комиссиясы талапкерлерді конкурс бойынша студенттер қатарына қабылдауды жүргізеді.

51. Білім беру грантын алуға арналған конкурс өткізілген, сондай-ақ жоғары білімі бар кадрларды даярлауға мемлекеттік білім беру тапсырысы бойынша білім алушылардың құрамына қабылдаған кезде балдар тең болған жағдайда басым құқық мынадай кезектілік бойынша беріледі:

	ҚАЗАҚСТАН РЕСПУБЛИКАСЫ МӘДЕНИЕТ ЖӘНЕ АҚПАРАТ МИНИСТРЛІГІ ТЕМІРБЕК ЖҮРГЕНОВ АТЫНДАҒЫ ҚАЗАҚ ҰЛТТЫҚ ӨНЕР АКАДЕМИЯСЫ	Пр 017-11.04-2025
		30.05.2025 ж.
	<u>Ереже</u> Нормативтік құжат түрі	Бет 9 - 11

- 1) «Алтын белгі» белгісімен марапатталған адамдар;
- 2) патриоттық танытқаны және белсенді азаматтық ұстанымы үшін ерекшелік белгісімен наградалған адамдар;
- 3) техникалық және кәсіптік, орта білімнен кейінгі білімнің білім беру бағдарламаларын іске асыратын білім беру ұйымдарының білім туралы құжаттары бар, біліктілігін растаған және мамандығы бойынша кемінде бір жыл жұмыс өтілі бар адамдар;
- 4) білім беру саласындағы уәкілетті орган айқындайтын жалпы білім беру пәндері бойынша халықаралық олимпиадалар мен ғылыми жобалар конкурстарының (ғылыми жарыстардың) (бірінші, екінші және үшінші дәрежелі дипломдармен марапатталған), орындаушылардың халықаралық және республикалық конкурстарының және спорттық жарыстардың (бірінші, екінші және үшінші дәрежелі дипломдармен марапатталған) соңғы үш жылдағы жеңімпаздары, сондай-ақ өздері таңдаған мамандықтың олимпиада, конкурс немесе спорттық жарыс пәніне сәйкес келуі шартымен жалпы білім пәндері бойынша ағымдағы оқу жылында президенттік, республикалық олимпиадалар мен ғылыми жобалар конкурстарының (бірінші, екінші және үшінші дәрежелі дипломдармен марапатталған) жеңімпаздары;
- 5) жетім балалар мен ата-анасының қамқорлығынсыз қалған балалар, сондай-ақ кәмелеттік жасқа толғанға дейін ата-анасынан айырылған немесе ата-анасының қамқорлығынсыз қалған жастар қатарындағы Қазақстан Республикасының азаматтары, бірінші және екінші топтардағы мүгедектігі бар адамдар, басқа мемлекеттердің аумағындағы ұрыс қимылдарының ардагерлері, жеңілдіктері бойынша Ұлы Отан соғысының ардагерлеріне теңестірілген ардагерлер, медициналық қорытындыға сәйкес тиісті білім беру ұйымдарында оқуға қарсы көрсетілімдері жоқ бала кезінен мүгедектігі бар адамдар, мүгедектігі бар балалар және үздік білімі туралы құжаттары (куәліктері, аттестаттары, дипломдары) бар адамдар.

Бұл ретте балдардың көрсеткіштері бірдей болған жағдайда білім беру гранттары аттестатының, куәлігінің немесе дипломының орташа балдары жоғары талапкерлерге беріледі.

Балдардың көрсеткіштері бірдей және басым құқығы болмаған кезде, сондай-ақ аттестаттың, куәліктің немесе дипломның орташа балы бірдей болғанда шығармашылық емтихан бойынша алған балдары ескеріледі.

52. Академия оқуға қабылдау аяқталғаннан кейін күнтізбелік 10 (он) күн ішінде білім беру саласындағы уәкілетті органға студенттерді академияға қабылдау жөніндегі қорытынды есепті ұсынады.

53. Үлгілік қағидалармен регламенттелмеген мәселелерді Академияның қабылдау комиссиясы дербес шешеді.

	ҚАЗАҚСТАН РЕСПУБЛИКАСЫ МӘДЕНИЕТ ЖӘНЕ АҚПАРАТ МИНИСТРЛІГІ ТЕМІРБЕК ЖҮРГЕНОВ АТЫНДАҒЫ ҚАЗАҚ ҰЛТТЫҚ ӨНЕР АКАДЕМИЯСЫ	Пр 017-11.04-2025
		30.05.2025 ж.
	Ереже Нормативтік құжат түрі	Бет 10 - 11

6. Екінші жоғары білім

54. Жоғары білімі бар тұлғалар ақылы негізде оқуға түсіп, екінші жоғары білім ала алады.

55. Талапкер қабылдау комиссиясына келесі құжаттарды тапсырады:

- 1) белгіленген үлгідегі бланкідегі өтініш (қабылдау комиссиясы береді);
- 2) жоғары білімі туралы құжат (түпнұсқа);
- 3) жеке басын куәландыратын құжаттың көшірмесі (3 дана);
- 4) 3 x 4 см. фотокарталар (8 дана);
- 5) 075-У нысандағы медициналық анықтама және флюорография;
- 6) ұл балалар үшін әскери тіркеу куәлігі немесе әскери билет (көшірме - 3 дана);
- 7) 063/у нысандағы медициналық анықтама (көшірме);

56. Талапкер білім беру бағдарламалары бойынша бекітілген екі шығармашылық емтихан тапсырады.

57. Талапкер кем дегенде екі шығармашылық емтиханнан 50 балл жинау керек.

7. Шет ел азаматтары үшін

58. Шетел азаматтары ақылы негізде академияға оқуға түсе алады.

59. Қабылдау комиссиясына келесі құжаттарды тапсырады:

- 1) Аттестат немес диплом (түпнұсқа + нотариальды расталған) (3 дана)
- 2) Қосымшасы (бағалары) (түпнұсқа + нотариальды расталған) (3 дана)
- 3) Орта мектепті немесе колледжді бітіргенін растайтын анықтама (2 дана)
- 4) Паспорт (нотариальды расталған) (3 дана)
- 5) Жеке куәліктің көшірмесі (қазақ екендігін растайтын жеке куәлік) (3 дана)
- 6) 3x4 см фотосурет (10 дана)
- 7) Медициналық анықтама (форма № 075-У) (түпнұсқа + көшірме) 2025 ж.
- 8) Флюорография, 2025 ж.
- 9) Егілу құжаты (көшірме) (2 дана)
- 10) Спид-анықтама (түпнұсқа + көшірме)
- 11) Яйцеглистқа тапсырғандығы туралы анықтама (түпнұсқа + көшірме)
- 12) Малярияға қан тапсырғандығы туралы анықтама (түпнұсқа + көшірме)

60. Талапкер білім беру бағдарламалары бойынша бекітілген екі шығармашылық емтихан тапсырады.

61. Талапкер кем дегенде екі шығармашылық емтиханнан 50 балл жинау керек. (Ұлты қазақ шет ел азаматтарын қоспағанда)

	ҚАЗАҚСТАН РЕСПУБЛИКАСЫ МӘДЕНИЕТ ЖӘНЕ АҚПАРАТ МИНИСТРЛІГІ ТЕМІРБЕК ЖҮРГЕНОВ АТЫНДАҒЫ ҚАЗАҚ ҰЛТТЫҚ ӨНЕР АКАДЕМИЯСЫ	Пр 017-11.04-2025
		30.05.2025 ж.
	Ереже Нормативтік құжат түрі	Бет 11 - 11

КЕЛІСУ ПАРАҒЫ

Әзірленді:		
Бакалавриат бойынша қабылдау комиссиясының жауапты хатшысы		Токеева А.Д.
Келісілді:		
Оқу-әдістемелік жұмыс жөніндегі проректоры		Ергөбек Ш.Қ.
Заң бөлімінің басшысы		Тлегенова О.К.
Стратегиялық даму, тәуекелдерді талдау және бағалау бөлімінің басшысы		Молдабаева А.Е.